

Chefkoch

STROPHE 1

G **e**
S Mami isch ned ume , de Papi isch ned da,
a **D**
es rumped i mim Buch botz Schoggimuss und Cervilat

Drum mach ich mich uf d Socke ab id Chuchi ganz elei,
stah ufem grosse Schämeli wäg mine z churze Bei

Mache jedi Schublade mal uf und fange ah,
alles fürezehre wie de Paps und danke grad

REFRAIN

G **Bm**
Ich bi de Chefkoch, de König vom Schlaraffeland,
a **D**
als Chronen Chochhuet und als Zepter d Chelle i de Hand
G **Bm**
Ich bi de Chefkoch, de König vom Schlaraffeland,
a **G**
ich choche und s chläbt alles ade Wand

STROPHE 2

Ich würd mier en riese Turte us Salami bache
Und en feine Sirupcocifantaspritesaft mache

En Chinderschoggirahmsuppe schwimmt ufem Chuchitisch
Ich mach Fischstäbli wo anstatt Fisch scho Mayo dinne isch

Us Tomatesauce heds en Strass für d Rüebliauto
au Schogginüdeli mit Lollipopsauce gids no

REFRAIN

STROPHE 3

Jetzt hani afig doch es riese Puff im ganze Huus,
ade Wänd chläbt Honig ade Tili Schoggimuss

De Bode isch volle Mühl ich gseh us wie en Gritibänz
aber luschtig ischs ich mache Chuchifreudetänz

Oh Oh s Mami chund grad Hei seid was isch da passiert
Es riese Puff, nüd kocht als hätt de Paps umehantiert

2x REFRAIN